

PROVISIONAL INSTITUTIONS OF SELF GOVERNMENT

KUVENDI I KOSOVËS  
СКУПШТИНА КОСОВА  
ASSEMBLY OF KOSOVO

Seanca Plenare  
Senca nr.2003/11  
Prishtinë,më 10 prill 2003,ora 10:00  
Ndërtesa e Kuvendit,salla plenare

PROCESVERBAL

Seancën e kryesoi **Nexhat Daci**, kryetar i Kuvendit të Kosovës , kurse bashkëkryesues ishte **Xhavit Haliti**, antarë i Kryesisë.

Kryesuesi konstatoi se ne seancë ishin të pranishëm 85 deputetë dhe shpalli të hapur punën e saj.

Në seancën e mëparshme ishte miratuar rendi i ditës i kësaj sence , si vijon:

1. Miratimi i procesverbalit i senacës së mëparshme ,
2. Shqyritmi i raportit për personat e humbur dhe të kidnapuar ,
3. Shqyritmi i raportit për gjendjen në gjyqësinë e Ksovës ;
4. Shqyrtimi i parë i P/Ligjit per kooperativat bujqësore ,
5. Shqyrtimi i propozimeve për emrimin e disa anëtarëve në komisionet e Kuvendit
6. Mendimi i Komisionit për Çështje Gjyqësore , Legislative dhe Kornizë Kushtetuese lidhur me mocionin e deputetit Arsim Bajrami ,
7. Parshtimi i pyetjeve ,
8. Propozimi i rendit të ditës për seancen e ardhshme plenare më 17 prill 2003 .

Kryesuesi kërkoi që pika e katërt e rendit të ditës të mos shqyrtohet në këtë seancë.Ky propozim u miratua nga deputetët.

## **1.Miratimi i proceverbalit i seancës së mëparshme .**

Nuk pati vërejtje në procesverbalin e seancës se mëparshme dhe ai u miratua.

## **2.Shqyrtimi i raportit për gjendjen në gjyqësinë e Kosovës.**

Kryesuesi hapi debatin lidhur me raportin për gjendjen në gjyqësin e Kosovës.

**Arsim Bajrami** tha se gjendja aktuale në gjyqësinë e Ksovës është e përcjell me kundër thënie të shumta juridike e faktike që e vënë në pikëpyetje pavarësinë e gjyqësisë kosovare.

Ai veçoi pesë probleme kryesore me të cilat ballafaqohet sistemi i gjyqësisë në Kosovë.

a. Mungesa e ligjeve adekuate në fushën e gjyqësisë . Ende vazhdohet të aplikohen ligjet e një shteti , i cili juridikisht dhe faktikisht është shpërbërë dhe paraqet një absurd juridik të panjohur ne praktikën ndërkontaktore.

b. Problemi i dytë me të cilën ballafaqohet sistemi i gjyqësisë në Kosovë është politika kadrorike që kryesisht mbulohet me kuadra të para vitëve nëntëdhjetë edhe pse pas asaj kohe janë përgatitur mjaft juristë me një legjesacion të ri po që nuk kanë arritur të punësohen në gjyqësinë kosovare .

PSSP- ka emruar gjyqtarë dhe preokurorë që kanë qenë të involvuar në praktikat diskriminuese në të kaluarën .

c. Problemi i tretë është dilema se a kemi apo s'kemi gjyqësi të pavarur në Kosovë?

Fatëkeqësish nuk mund të flasim për një gjyqësi të pavarur, theksoi z.Bajrami.Gjyqësia vazhdon me recidivat e sistemit komunist dhe vazhdon të ndikohet në të politikisht me mekanizmat e kontrollit politik që po e ushtron UNMIK-u.

d. Gjendja materiale dhe kadrorike në gjyqësinë e Kosovës.Sistemi i gjyqësisë ende nuk është polotësuar me kuadrat e nevojshme profesionalë.Gjendja materiale poashtu është e disfavorshme,gjyqtarët dhe prokurotët tanë marrin paga të ulëta dhe kanë probleme sigurie.

e) Bartja e kompetencave në fushën e gjyqësisë .

**Zylfije Hundozi** tha se Grupi parlamentar i AAK-së, e përkrah rekomandimin e Grupit të punës lidhur me gjendjen në gjyqësinë e Kosovës. Ajo që më së shumti e rëndon situatën në gjyqësinë e Kosovës, shtoi znj.Hondozi është mungesa dhe mosdefinimi i qartë i vlerësimit dhe i trajtimit të përsoneve që konsiderohen të papërgjegjëshëm në momentin e kryerjes së veprës penale .

Për veprat penale të bëra , këta përsone trajtohen në Klinikën e Neuropsikoatrisë, e cila, sipas saj është shëndrruar në burg. Në atë klinikë nuk ka kushte as për pacient të cilët trajtohen në te dhe vetë prezencia e frocave policore zgjon asociacione negative të pacientëve prezent. Nga ana e gjyqit nuk ekziston kërkesë e posaçme që të vlerësohet në mënyrë konzulare gjendja mendore e tyre, por ashtu si i konvenon secilit gjykatës e gjenë psikiatrin me të cilin bashkëpunon dhe kryen punën më leht. Kështu që është hapur rruga për vlersime subjektive të situates dhe gjendjs mendoretë kryesit të veprës penale në momentin e krimtit si dhe keqpërdorimit të situatës së krijuar që dëmton gjyqësinë dhe

drejtësinë e Kosovës. Propozimi për krijimin e një instiucionit të posaçëm për vlersimin e gjendjes mendore dhe trajtimin e personave që konsiderohen të papërgjegjshëm është më se i domosdoshëm.

**Nekibe Kelmendi** tha se Grupi i punës për hartimin e raportit për gjendjen në gjiqësinë e Kosovës është bazuar në kreun e pestë, pika 5.3 te Kornizës Kushtetuese në të cilën janë të përcaktuara përgjegjësit e institucioneve në fushën e çëshjeve juridike.

Gjatë hartimit të raportit, Grupi ka patur disa takime me përgjegjësit e intstitucioneve gjyqësore në Kosovë: si të Gjykatës Supreme, gjykatave të qarkut, gjykatave komunale, prokurorive, Shërbimit Korrektues të Kosovës, me qëllim që të paraqes një pasqyrë reale të gjendjës në të kaluarën dhe aktuale në sistemin gjyqësor të Kosovës.

Aktualisht funksionojnë të gjitha gjykatat, prokurorit dhe të gjitha shërbimet korrektuese që kanë ekzistuar deri në mars të vitit 89, me përjashtim të Gjykatës Ekonomike të Qarkut në Gjakovë dhe të prokurorive në Podujevë dhe Rahovec.

Jemi të ballafaquar edhe me funksionimin e gjykatave paralele si në: Leposaviq, Zupin Potok, Ferizaj, Lypjan, Gjilan, të cilat funksionojnë në emer të gjykatave komunale të Kosovës, por që funksionojnë diku fshehtaç ose jashtë Kosovës.

Gjendja objektive e gjykatave pas luftës ka qenë jashtëzakonishtë e keqe, sepse ato kanë qenë të shkatruara dhe të plaçkitura, por falë donacioneve të shtetëve perindimore situata është përmirsuar.

Gjendja në Shërbimin Korrektues të Kosovës pas luftës ka qenë jashtëzakonisht e vështirë nga se Dubrava, jo vetëm se ka qenë e shkatruar, por në të është bërë gjenocit ndaj të burgosurve nga se janë vrarë afér dyqindë të burgosur.

Ai objekt është rindërtuar pas luftës falë donacioneve të huaja.

Burgjet e qarqeve janë renovuar mirpo nuk i plotësojnë kushtet e nevojshme dhe të përshtshme për qëndrimin e njerëzve gjatë procedurës së hetuesisë.

Ajo shtoi se nuk mund të ketë gjyqësi të pavaruar pa pasur buxhet të pa varur për të.

Pavarsia e gjykatave në Kosovë ende cenohet nga se janë caktuar disa paraburgime në bazë të urdhërave administrative gjë që dëmton pavarësinë e tyre.

Rregullorja 2000/64 e UNMIK-ut e cenon pavarësinë e gjykatave kosovare shtoi znj. Kelmendi, për të cilën i është drejtuar Asambles Parlamentare të Këshillit të Evropës-Komititetit për të Drejtat e Njeriut në Strazburg me 27.04.2000, por nuk ka marr asnje përgjigje.

Grupi i punës ka hartuar rekomandimet lidhur me gjenjen në gjiqësinë e Kosovës dhe i rekomandon Kuvendit t'i miratojë ato.

Dragisha Krstoviq tha se ka shumë vërejtje në raportin e Grupit të punës lidhur me gjendjen në gjiqësinë e Kosovës.

Në të, sipas z.Krstoviq ka shumë të pavërteta si p.sh.: që objektet e gjyqeve gjatë konfliktit të vitit '99 janë demoluar dhe lëndët gjyqësore janë larguar.

Raporti përmban shumë vlersime dhe kulifikime politike. Nuk është dhënë përgjigje në pyetjen se sa me punën e tyre gjykatat kanë kontribuar në stabilizimin e gjendjes në Kosovës dhe luftimit të krimit të organizuarë.

Raporti kryesisht ka karakter politik dhe është tendecioz me konstatime jo të sakta të cilin Grupit parlamentar "Kthimit" nuk e përkrah.

Sadik Idrizi tha se gjendja në gjyqësinë e Kosovës pasqyron gjendjen e përgjithëshme në Kosovë .

Sa i përket komunitetëve të tjera ,sipas këtij raporti përfaqësimi i tyre është i vogël . Në gjykatat e rregulla dhe në ato për kundërvajtje nuk ka asnje pjesëtar të komunitetit turk , ndërsa të atij boshnjak ka më shumë.

Po ashtu edhe gjuha e këtyre komuniteteve nuk zbatohet sa duhet në punën e gjykatave .

Raporti paraqet gjendjen reale në gjyqësinë e Kosovës që përmban edhe rekomandimet për punën e tij të mëtutjeshme , të cilin grupet e tjera e përkrahin.

Opinionet , vërejtjet dhe sugjerimet e veta lidhur me gjendjen në gjyqësinë e Kosovës i dhanë edhe këta deputetë: Gani Koci, Bajram Kosumi , Ramadan Kelmendi, Ismail Kurteshi , Smilka Milosavlevic, Shefki Sejdiu , Muhamet Kelmendi, Liljana Keniq, Bajrush Xhemaili, Fadil Kryeziu, Xhelal Canziba, Blerim Baruti, Idriz Pireva, Rangjel Nojkic, dhe Sabri Hamiti, që janë bashkangjitur transkriptit.

Pyetjeve dhe vërejtjeve të deputetëve lidhur me gjendjen në gjyqësinë e Kosovës i'u përgjigj ,përgjeqësi i shtyllës së parë të UNMIK-ut z.Jan Caddy.

Ai foli për përparimin që është bërë në sistemin e gjyqësisë në Kosovë në këto fusha :  
a. Për pavarsinë e gjyqeve .Sipas tij parimi i parë në punën e gjyqëve ato duhen të jenë të pavarura .Këshilli Prokurorial dhe Gjyqësor i Kosovës që përbëhet nga pesë profesionist ndërkombëtarë dhe katër vendor është i pavarur dhe bënë rekomandimin pët emrimin e gjyqëtarëve dhe të prokurorëve.

Kuvendi i Kosovës atë rekomandim duhet ta miratojë brenda pesëmdhjet ditëve , të cilin vitin e kaluar nuk e ka bërë dhe PSSP sipas autorizimeve që ka ka bërë emrimin e gjyqëtarëve dh të prokurorëve.

b.Shum etnicitet .Ne gjykatat e Kosovës janë të punësuar 320 gjykatës dhe 43 prokuror dhe 1284 punëtorë ndihmës në 57 gjykata .

Sistemi i gjyqësisë ,sipas tij duhet t'i pasqyrojë vlerat e shoqërisë kosovare.

Ne to janë të punësuar pesë gjykatës sérb , 2 % në prokurori të komuniteteve tjera 5 % në gjykata dhe 7 % ne prokurori.

c.Paanësia e gjykatave .

Gjykatat në punën e tyre duhen të jenë të paanshme dhe të gjykojnë sipas dispozitave ligjore , por pavarsia e tyre është në fazën e hershme. Së shpejti Kuvendi i Kosovës duhet të miratojë Kodin Penal dhe Kodin për Procedur Penale në bazë të cilave duhet të punojnë gjykatat dhe prokurorit në Kosovë.

d.Kompetenca në Gjykata.

OSBE-ja e ka themeluar Institutin e Drejtësisë të Kosovës me qëllim të aftësimit të kuadrave , ka organizuar provimin e juridikaturës me qëllim të aftësimit të kuadrove të reja për zbatimin e ligjeve të reja .

Shqetësimet e deputetëve lidhur me zbatimin e ligjeve të aplikushme në gjyqësinë e Kosovës theksoi z. Caddy, së shpejti ato do ti mbesin të së kaluarës ngase Kuvendi i Kosovës do ti miratojë ligjet e veta në këtë fushë .

Kryesusei i vuri në votim rasportin dhe rekomandimet e Komisionit për Çështje Gjyqësore,Legjislacion dhe Kornizë Kushtetuese dhe rezultati ishte,si vijon:

Për-----shumica;  
Kundër----- 15;  
Abstenime-----6.

Kryesuesi konstatoi: Kuvendi i Kosovës i miratoi raportin dhe rekomandimet e Komisionit për Çështje Gjyqësore,Legjislacion dhe Kornizë Kushtetuese lidhur me gjendjen në gjyqësinë e Kosovës.

### 3. Shqyrtimi i raportit të Komisionit për personat e humbur dhe të kidnapuar.

Kryesuesi e ftoi kryetaren e Komisionit që të paraqesë raportin para deputetëve të Kuvendit.

Flora Brovina tha se Komisioni për personat e rrëmbyer dhe të humbur gjatë luftës në Koaovë ka bërë përpjekje që të njihet me problemet dhe pengesat që kanë familjarët në ndriçimin e fatit të rrëmbyerve dhe të humburve.

Komisioni ka bashkëpunuar me organizatat gjegjëse vendore dhe ndërkombtare për grumbullimin e të dhënavë për ndriçimin e fatit të personave të rrëmbyer dhe të zhdukur.

Komisioni ka organizuar disa takime në terren,shtoi znj.Brovina,ka vizituar Institutin e Mjekësisë në Rahovec ku gjenden mbi 4.000 kufoma të paidentikuara;Ka vizituar Institutin e Fakultetit të Mjekësisë në Prishtinë;Kryetarja e Komisionit ka marrë pjessë në Konferencën Ndërkombëtare për Personat e Zhdukur që është mbajtur në Gjenevë,të cilën e ka organizuar Kryqi i Kuq Ndërkombëtar.

Në Kosovë kërkohen afér 4.000 persona të rrëmbyer dhe të zhdukur gjatë luftës,për të cilët familjet e tyre nuk kanë asnjë informatë se ku ndodhen.Shumica prej tyre janë rrëmbyer nga policia dhe ushtria serbe dhe forcat paramilitare të kontrolluara nga shteti i Serbisë.Shumë nga kufomat e rrëmbyera janë dërguar në Serbi.Në varrezat masive në Serbi,në Batajnici,në Petrovo Sello,Bajna Rashta ,janë afér 900 kufoma të shqiptarëve të Kosovës dhe disa kufoma janë hedhur në Danub.

Familjet e të rrëmbyerve dhe të humburve kanë të drejtë të dijnë përfatim e më të dashurëve të tyre. Ata duhet të dijnë se ku gjenden ata? A janë të gjallë ose të vdekur dhe si është shkaktuar vdekja e tyre? Ku i kanë varret? Për të gjitha këto, shtoi znj. Brovina eksiston një adresë e saktë, ku mund të gjenden këto informata-ajo është Qeveria e Serbisë.

Komisioni për Persona të Rrëmbyer dhe të Zhdukur gjatë luftës në Kosovë i propozon Kuvendit të Kosovës, të miratojë këtë

## REZOLUTË

1. Kuvendi është i shqetësuar që pas 4 viteve të përfundimit të luftës në Kosovë, ende nuk dihet fati i më se 4000 të rrëmbyerë dhe të humburë, si dhe gjendja e rëndë e familjeve të tyre.
2. Kuvendi obligon Presidencën, Qeverinë dhe institucionet e të gjitha niveleve që ta ngritin çështjen e të rrëmbyerve në çdo takim dhe bisedë me palën ndërkombëtare dhe me atë të vendit.
3. Kërkohet nga Bashkësia Ndërkombëtare, nga Kombet e Bashkuara, nga Shtetet e Bashkuara të Amerikës, nga Presidenti i SHBA-së, nga Bashkësia Evropiane ta ndihmojnë ndriçimin e fatit të të rrëmbyerve gjatë luftës në Kosovë që ende nuk janë gjetur.
4. Që bisedimet lidhur me çdo çështje me Serbinë, kudo që të zhvillohen ato të kushtëzohen me ndriçimin e fatit të rrëmbyerve dhe të humburve.
5. Që Qeveria sa më parë ta hapë zyrën e ekspertëve vendorë për të rrëmbyerit dhe për të zhdukurit si dhe për familjet e tyre, në mënyrë që kompetencat për këtë çështje të kalojnë nga Zyra e UNMIK-ut në organet vendore. Të bëhet trusni te ata që merren me identifikimin e viktimate të luftës, në mënyrë që të përshpejtohet ky proces.
6. Të formohet arkivi i posaçëm për të rrëmbyerit dhe për të zhdukurit në Kosovë.
7. Kuvendi obligohet të formojë një trupë ekspertësh për ngritjen e kallzimit penal pranë Tribunalit Ndërkombëtarë të Hagës për Krime të Luftës, kundër njerëzimit në ish Jugosllavi, për akte gjenocidi në Kosovë, kundër Milosheviqit dhe bashkëpunëtorëve të tij dhe kundër shtetit të Serbisë.
8. Ekspertët tanë të mjekësisë ligjore, juristët, antropologët dhe njohësit e të drejtave të njeriut nga Kosova, patjetër të marrin pjesë në identifikimin e kufomave.
9. Që varrimi i viktimate të jetë dinjitoz, në bazë të traditës familjare, etnike, fetare dhe me mbikëqyrje institucionale.
10. Që të punohet për ndërtimin e kompleksit përkujtimor, ku do të ruheshin gjërat personale të viktimate të luftës.
11. Që të përcaktohet me ligj statusi i të rrëmbyerve dhe të zhdukurve gjatë luftës në Kosovë dhe të drejtat e familjeve të tyre.

Kryesuesi hapi debatin për raportin e Komisionit për Persona Rrëmbyer dhe të Humbur gjatë luftës.

**Sanije Aliaj** tha se Komisioni parlamentar ka punuar në ndriçimin e fatit të përsonave të rrëmbyer dhe të zhdukur gjatë luftës në Kosovë.Për të arritur rezultate në këtë drejtim,shtoi znj.Alaj duhet ngritur çështjen shumë më seriozisht në qendrat ndërkombëtare të vendosjes,në mënyrë që që ndriçimi i fatit të të zhdukurëve dhe të rrëmbyer , Qevrisë së Serbisë t'i kushtëzohet me integrimet me dhe zhvillimet ekonomike.

Si hap tjetër i rëndshëm që Qeveria e Kosovës duhet ta hapë një Zyrë të veçantë që do të meret me ndriçimine fatit të personave të rrëmbyer dhe të zhdukur.Kjo Zyrë me një qasje profesionale,duhet të punojë në ndriçimin e fatit të atyre që janë gjallë dhe përvarrimin dinjitoz të atyre që identifikohen të vdekur,thkesoi znj.Alaj.

**Stojanka Petkoviq** tha se vetë emërimi i Komisionit është i papranueshëm,ngase ai nuk merret me personat e zhdukur dhe të rrëmbyr,para luftës dhe pas hyrjes së Bashkësisë ndërkombëtare në Kosovë.

Ajo pyeti se çka ka punuar Komisioni në ndriçimin e fatit të serbëve të rrëmbyer dhe të zhdukur? Raporti i Komisionit,sipas saj,është i njëanshëm dhe i papranueshëm.

**Mevlyde Saraçi** tha se e përkrah raportin dhe rekomandimet e Komisionit parlamentar.Qytetarët e Kosovës që nga 12 qershori i vitit 1999 janë duke i kërkuar të afërmith e tyre me anë të protestave nëpër rrugët dhe sheshet e Kosovës,por përfat të keq,ende nuk është zgjidhur kjo çështje.

Protestat,grevat,materialet dokumentare,fotografitë,dëshmitë dhe rrëfimet janë argumente të mjaftueshme,shtoi znj.Saraçi,që të kërkohet llogari nga Qeveria e Serbisë përfat ndriçimin e fatit të personave të rrëmbyer dhe të zhdukur gjatë luftës në Kosovë.

**Mahmut Bakalli** tha se Komisioni parlamentar,Zyra e Qeverisë dhe Zyra e UNMIK-ut që merren me ndriçimin e fatit të personave të rrëmbyer dhe të zhukur,duhet të jenë më azhur dhe më frytdhënës në punën e tyre.Ai kërkoi që veçanarisht të hulumtohet rasti i Ukshin Hotiti,ngase ekzistojnë të dhëna të sakta,se ai është liruar nga burgu i Dubravës një ditë para se të përfundonte afati i vuajtjes së denimit.Dihen e mrat e gërdianëve të burgut që e kane përcjell,por nuk dihet se në çfarë drejtimi e kanë përcjelle dhe çka është bërë me fatin e tij.Ka njerzë,shtoi z.Bakalli, që mund të dëshmojnë dhe ofrojnë ndihmë konkrete përfat ndriçimin e fatit të tij.

Opinionet,vërejtjet dhe sugjerimet e veta lidhur me raportin dhe me rekomandimet e Komisionit përf Personat e Rrembyer dhe të Zhdukur gjatë luftës në Kosovë ,i dhanë edhe këta deputetë: **Teuta Hadri , Dragisha Kërstoviq , Alush Gashi , Rangjell Nojkiq , Besa Gaxherri , Hasan Meta , Fetije Këpuska , Berat Luzha , Nafije Berisha , Ibush Jonuzi , Blerim Baruti , Cjeta Vujiq , Mehdi Bardhi , Gani Prekopuca , Ismail Kurteshi , Ramadan Kelmendi , Hilmo Kandiq dhe Xhevdet Neziraj , që i janë bashkangjitur transkriptit.**

Kryesuesi i vuri në votim raportin dhe Rezulutën

e Komisionit për Personat e Rrëmbyer dhe të Zhdukur dhe rezultati ishte si vijon :

Për – shumica ,  
Kundër – 7,  
Abstenim – 0.

Kryesuesi konstatoi :Kuvendi i Kosovës i miratoi raportin dhe Rezulutën e Kosmisionit për Personat e Rrëmbyer dhe të Zhdukur.

4.Shqyrtimi i propozimit për emërimin e disa anëtarëve të komisionieve parlamentare .

Kryesia i kishte propozuar Kuvendit që t'i emronte këta anëtarë :

1. **Nafye Gas** (KDTP) – për kryetare të Komisionit për Shëndetësi , në vend të Sabit Rrahmanit (PDASHK);
2. **Mehdi Bardhi** (LDK) – për anëtar të Komisionit për Personat e Humbur dhe të Kindapuar;
3. **Ismail Kurteshi** (PDK) – për anëtar të Komisionit për të Drejtat dhe Interesat e Komuniteteve;
4. **Sabile Basha** (PDK) – për anëtare të Komisionit për Buxhet në vend të Hajredin Kuqit ;
5. **Sabri Fejzullahu** (PDK) – për anëtar të Komisionit për Postë dhe Telekomunikacion;
6. **Xhelal Canziba** (PDK) – për anëtar tÇ Komisionit për Ekonomi dhe Financa në vend të Driton Lajqit.

Kryesuesi e vuri në votim këtë propozim dhe rezultati ishte si vijon :

Për: shumica  
Kundër: 1  
Abstenime: 0.

Kryesuesi konstatoi :Kuvendi i Kosovës e miratoi popozimin e Kyesisë lidhur me emërimin e anëtarëve në komisionet parlamentare.

5.Mendimi i Komisionit për Çështje Gjyqësore, Legjislative dhe Kornizë Kushtetuese lidhur me mocionin e deputetit Arsim Bajramin .

Kryesuesi tha se mendimi i Komisionit për Çështje Gjyqësore , Legjislative dhe Kornizë Kushtetuese është i papranueshëm , ngase gjashtë anëtarë të pranishëm të Komisionit , për kanë votuar vetëm tre.Sipas rregullës 37.3 të Rregullorës së Punës së Kuvendit ky vendim nuk është valid .

**Arsim Bajrami** tha se në mbledhjen e kaluar kur është diskutuar për gjendjen e krijuar lidhur me zbatimin e Lijgit për Arsimin e Lrtë në Kosovë , është paraqitur për diskutim , por nuk i është dhënë fjala.

Sipas rregullës tetëmbdhjet të Rregullorës së punës së Kuvendit , shtoi z.Bajrami i është mohuar e drejta për të diskutuar .

Ai tha se me atë rast ka dashur juridikisht ta sfidojë PSSP-në lidhur me moshpalljen e Lijgit për Arsimin e Lartë , e jo që të nxirret dekleratë politike .

Me Kornizë Kushtetuese kemi të drejtë të nisim procedurën e ndryshimit të Kornizës Kushtetuese , shtoi z.Bajrami dhe ta detyrojmë PSSP-në që ta zhbllokojnë situatën me Ligjin për Arsimin e Lartë dhe me ligjet e tjera që nuk po i shpall .

#### **6.Caktimi i rendit të ditës për seancën e ardhshme plenare që duhet të mbahet më 17.04.2003.**

Kryesuesi i informoi deputetët e pranishëm se për atë seancë Kryesia ka propozuar këtë rend të ditës :

1. Shqyrtimi i dytë i P/Lijgit përLëndën Arkivore dhe Arkivat ;
2. Shqyrtimi i dytë i P/Lijgit për Vendosjen e Tatimit ne Pronën e Palujtshme në Kosovë ;

Seanca përfundoi në orën 16:00.

**Sekretaria e Kuvendit**

**Kryetari i Kuvendit të Kosovës ,**

**akademik Nexhat Daci**